

Peringkat Perkembangan Konsep Kendiri Mengikut Pandangan Erikson Dan Peranan Perkembangan Kognitif Dalam Pembentukan Konsep Kendiri (Part 4)

Hasmadi Bin Hassan

2.2.2 Peringkat Maskular-anal / Autonomi lawan perasaan malu dan keraguan (18 bulan–3 tahun)

Peringkat ini mempunyai kaitan dengan peringkat dubur (anal) dalam teori Freud dan berlaku semasa kanak-kanak berusia di antara 2 – 3 tahun.

Mulai usia 18 bulan, konsep kendiri seseorang mulai nyata. Seseorang kanak-kanak mulai mengetahui apa yang dia cakap serta buat itu merupakan satu tindakannya dan bukanlah orang lain. Keinginan untuk bertindak secara bebas juga meningkat. Kanak-kanak lebih gemar membuat sesuatu tindakan itu secara sendiri dan bukannya bergantung kepada orang lain untuk membuatnya.

Pada peringkat ini seseorang kanak-kanak mungkin berkepercayaan yang dia adalah cekap dan berkebolehan. Sebaliknya, jika dia berasa yang dirinya kurang cekap dia akan berasa malu dan mula meragui kebolehan dirinya. Tingkah laku kanak-kanak yang sentiasa dipuji dan diterima akan menyebabkan dia berasa lebih berkeyakinan lagi. Sebaliknya, tingkah laku yang menyebabkan dia didenda atau dimarahi akan menyebabkan kanak-kanak itu berasa malu atau ragu-ragu.

Menurut Erikson, tingkah laku yang tidak diingini hendaklah dikawal dan yang diingini dipuji pula. Dengan cara ini kanak-kanak akan mengenal jenis-jenis tingkah laku yang digalakkan dan yang hendak dielak. Kecenderungan kanak-kanak hendak berfungsi secara bebas hendaklah diterima serta didorongkan.

Perasaan autonomi dan kawalan kendiri akan terbentuk jika ibu bapa memberi bimbingan kepada anak-anak. Dengan ini, anak-anak akan memiliki perasaan positif terhadap orang lain dan berasa bangga. Nilai (virtue) yang timbul di sini adalah ‘will’, iaitu kehendak atau kuasa untuk membuat keputusan dan penilaian dengan bebas atau mengawal dengan kemahuhan sendiri.

CONTINUE...